

Landesbibliothek Oldenburg

Digitalisierung von Drucken

**Samuelis De Cocceji, Henr. Fil. Sacræ Regiæ Majestatis
Borussicæ Magni Cancellarii, A Consiliis Sanctioribus
Status Et Rei Bellicæ, Ordinis Nigræ Aquilæ Equitis Etc.
Jus Civile Controversum Ubi ...**

Opus Ad Illustrationem Compendii Lauterbachiani ...

Cocceji, Samuel von

Lipsiæ, 1766

LIB. XLVII. TIT. XVI. De Receptatoribus.

urn:nbn:de:gbv:45:1-9050

LIB. XLVII. TIT. XIV.

DE ABIGEIS, ABACTORE,
ABIGEATORE &c.Qv. *An etiam sit abigeus, qui pecus ex stabulo
subtrahit?*

AFFIRMATUR in *L. 3. §. 1. h.* NEGATUR in *L. 1. §. 1. h.* Utrumque verum: nam *proprie* e sylvæ & pascuis publicis apertisque abigunt, *d. L. 1. minus proprie* e stabulis, ubi non est nuda abactio; adeoque *plenius* est coercendum, *d. L. 3. non lenius*, ut legit Cujacius.

LIB. XLVII. TIT. XVI.

DE RECEPTATORIBUS.

Qv. I. *An receptatores etiam reorum privati delicti puniantur ex hoc crimine?*

AFFIRMATUR; quia, qui furem celat, ut fur punitur, *L. 48. §. 1. Laut. pag. de Furt.* & ille, qui recipit raptorem, eadem pœna tenetur, *L. 3. §. 3. de Incend. Utrumque autem est delictum privatum.* *Laut. pag. 675. verb. etiam privati &c.*

EXC. Si tale delictum sit, ex quo reus principalis extra ordinem conveniri nequit, adeoque nec receptator, ut in Lege Aquilia.

Qv. II. *An parentes & cognati suspecti de receptione, juramento se purgare debeant?*

NEGATUR, tum, quia metus est perjurii, tum, quia parentes ad-
versus liberos nec volentes ad testimonium admittuntur, *L. 6. C. Laut. pag. 676. verb. non etiam parentes.*
de Testib.

OBJ. Publice interesse, ut hujusmodi delicta puniantur.

RESP. Non tamen tanta est hæc ratio, ut tollat metum perjurii, vel pietatem parentum erga liberos.

OBJ. *arg. L. 35. de Relig.* ubi pater filium perduellem & parricidam impune occidere potest, idque ob salutem publicam.

RESP. Singulare est in crimine læsæ majestatis, & parricidio.

O o o o 3

Qv.



Qv. III. *An, si delictum sit atrocissimum, sola scientia delicti puniri possit?*

Laut. pag. 676. verb. nisi delicta &c. **R**egulariter hoc negandum; quia nihil mali agit tacens, neque causa criminis in silentio subest: idque ita traditur in *Can. Placuit. C. 6. qu. 2.*

Exc. Quoties quædam crimina in specie excepta videntur, ut (1) in causa majestatis, *L. 5. C. Ad L. Jul. Maj.* (2) In parricidio, *L. 6. L. 2. ff. de Parric.* (3) In raptu. *L. un. §. 2. C. de Rapt. virg.*

LIB. XLVII. TIT. XIX.

EXPILATÆ HÆREDITATIS &c.

Qv. I. *An propter expilatam hæreditatem hodie furti agi possit?*

Laut. pag. 677. verb. non etiam &c. **N**EGATUR; quia propria actio *expilatæ hæreditatis* hic datur. Et cum crimen sit extraordinarium, pœna quoque extraordinaria statui debet, *l. 1. h. t.* Sane pœna furti est odiosa ac exorbitans, adeoque extendi non debet, *L. p. de Pœn.*

Obj. *L. 12. C. Ex quib. caus. inf.* ubi expilatio hæreditatis dicitur furtum improbius.

Resp. Furto comparatur quoad infamiam; ex utraque enim causa condemnatus fit infamis, *d. L. 12.* Sed & licet instar furti sit, non tamen eadem pœna obtinere debet.

Qv. II. *An aliae actiones rei persecutoriae concurrant cum actione hac extraordinaria?*

Laut. pag. 678. verb. hic concurrit &c. **A**FFIRMATUR, & quidem cumulative; quia, etsi pœnam quis consecutus sit actione hac extraordinaria, nondum tamen rem habet, adeoque hanc adhuc petere potest, *L. un. C. Quand. civ. act. L. 7. de Cond. furt.* ubi exempla recensentur.

Obst. *L. 8. ff. h.* ubi non nisi elective concurrunt petitio hæreditatis, & crimen expilatæ hæreditatis.

Resp. Ipsæ actiones non concurrunt elective, sed duo judicia, & eligit actor, an apud Præfectum Urbi criminaliter, an apud Præsides civiliter agere velit: apud unum ergo horum Judicium utramque actionem simul intentare non potest, at singulas apud utrumque potest.

OBJ.